

**MUAB TSO TAWM TAM SIM**  
**Date:** Lub 2 Hlis Ntuj tim 2, 2021

Hu/sau ntawv rau: Jeff Fleming  
(414) 286-8580  
[jeff.fleming@milwaukee.gov](mailto:jeff.fleming@milwaukee.gov)

**Milwaukee Health Department Hloov Qhov Kev Xaaj Hais Txog  
Kev Noj Qab Haus Huv Ntawm COVID-19**

*Kev Txwv Tsis Pub Sib Sau Ua Ke Coob Yooj Yim Zog Vim Hais Tias Tus Mob Khees Me Ntsis Lawm*

Milwaukee – Milwaukee Health Department hloov qhov kev xaaj hais txog kev noj qab haus huv uas tam sim no siv vim hais tias tus mob COVID-19 khees me ntsis lawm. Qhov hloov loj tshaj nyob rau qhov kev Xaaj tshiab #4.4 yog hais txog kev txwv neeg sib sau ua ke. Nyob rau qhov kev hloov tshiab no, kev sib sau ua ke nyob hauv tsev yuav pub txog 250 tus neeg yog hais tias cov neeg npog qhov ncauj qhov ntswg, yuav tsum zaum ntawm cov rooj, thiab muaj chaw dav kom nyob sib nruj. Qhov hloov tshiab no yuav tso cai rau neeg sib sau ua ke coob tshaj los tau yog hais tias lub chaw ntawd ua ib daim ntawm mus thov thiab tau kev pom zoo rau lawm.

Qhov kev xaaj tshiab kuj muaj kev hloov rau cov kev ua si thiab kev ua kis las. Yuav tsis kuaj mob COVID-19 rau cov neeg ua kis las uas yog ib pab thiab cov kis las uas yuav muaj kev sib chawv. Ntxiv mus, rau ib tug neeg ua si twg yuav pub 2 tus neeg mus saib tau, los yog tau kev pom zoo rau daim ntawv npaj kom muaj kev nyab xeeb lawm, lub chaw yeej cia neeg koom tau ntxiv.

Milwaukee Health Department tau nrog ntau pab pawg neeg hauv zej zog tham xws lis cov chaw ua hauj lwm, cov koom haum, thiab cov neeg saib txog kam noj kev haus. Qhov nod nws pab tau kom hloov tej yam nyob rau qhov kev xaaj no. Qhov kev Xaaj #4.4 yuav pib siv rau hnuv Friday, lub 2 Hlis Ntuj tim 5, 2021. Health department cia siab hais tias qhov kev xaaj tshiab no yuav nyob mus tsawg kawg kom txog lub hli tom ntej no.

“Kev hloov rau peb qhov kev xaaj hais txog kev noj qab haus huv rau cov pej xeeb yog ib yam peb ua tib zoo saib seb tus kab mob zoo li cas lawm thiab saib cov ntaub ntawv uas tau los ntawm cov kws txuj (scientific community). Tej yam uas hloov rau lub lim piam no yuav pub kom rov qab qhib tau ntxiv tab sis yuav tau saib xyuas kom muaj kev nyab xeeb,” tus Thawj Tswj Acting Health Commissioner Marlaina Jackson hais. “Peb tseem ceev faj heev tab sis ntseeg hais tias Milwaukee yuav pom tau tias peb lub hom phiaj yuav zoo zuj zus tuaj. Txawm yog li ntawd los, kev sib kis kab mob yeej tseem muaj nyob rau ntawd, es peb yuav so tsis tau.”

Raws li qhov kev xaaj tshiab thiab daim ntawv npaj kom muaj kev nyab xeeb uas tau kev pom zoo rau, lub tsev museum thiab cov chaw teeb khoom rau neeg saib yuav rov qab qhib tau tab sis tsuas pub neeg coob npaum li cas nkag tau xwb. Qhov kev Xaaj #4.4 kuj pub cov chaw haus dej haus cawv thiab cov chaw ua zaub mov noj muag teeb rooj pub neeg xaaj khoom thiab tuaj nqa tau. Hais txog ntawm cov chaw siv noj tshoob, cov tsev txias thiab tsev teev ntuj muab kho kom haum raws li cov chaw neeg siv ua kev lom zem. Txawm hais tias txhua tus neeg tuaj koom yuav tau zaum, yuav pub neeg sawv ntsug tau nyob rau lub sij hawm yuav tsum tau sawv ntsug raws li txoj kab lig kev cai.

Cov ntaub ntawv hais txog qhov Kev Npaj Kom Muaj Kev Noj Qab Haus Huv Txog COVID-19 rau City of Milwaukee, qhov kev Xaaj #4.4 muaj nyob online ntawm Coj Milwaukee Mus Yav Tom Ntej Kom Muaj Kev Nyab Xeeb lub website ntawm [city.milwaukee.gov/MMFS](http://city.milwaukee.gov/MMFS).

###